

~~6105 5~~

PD

5476.3/83B

5531.3203



御製詩二集卷之十

古今體一百五首 已 已

城子山

一朶紫芙蓉琳宮最上重自遙先罨畫未到

已聞鐘玉宇常經想每至大覺寺輒望丹梯

試一從迥然出雲霧真足豁心胸香界夏中

靜翠峰雨後濃

瑤題懸寶構是處有皇祖賜匾雲日仰

堯容



勝果寺

大覺舊名利勝果其別室為境既僻幽構宇
亦古質禪侶結夏宜萬慮歸靜一每從遙望
得棲遲偶茲日始披翠雨入忽凌白雲出三
間草堂間坐以點吟筆

大覺寺雜詠

靈湫羣峰頂精藍萬樹間坐彼方丈幽趣此
一日間

披畫叅生動開襟坐霄漢閣黎多解路底用
咨公案

據榻吟梵天憑軒眄林墅片雲挽不住飛空
迷處所

展屏垂雪瀑開窓對煙林石罅淙淙響千秋
直到今
榛樹蔚翠霧松篁吟好風萬景自天全興會
殊不同

螢

每自不禁愁螢光又見流漫云能燭夜底事

更催秋背月偷熒燿因風託去留去年已感
觸今夕憶從頭

夏日含經堂

高軒能却暑邃室亦生涼味道研精義隨時
愛景光用選苑禽鳴處樂砌卉吐來芳石鼎
閒常煮瑤琴靜不張詩吟西蜀杜壁畫輞川
王差喜娛清暇還慙致治療

董邦達雲山圖

畫家氣韻造絕詣邦達氣韻乃餘事細皴粗
抹無不佳不期其法神其意承命為此雲山
圖雲如欲雨山如醉竒峰詭巘凡幾重密葉
枯枝以萬計謂宜凹處置人家果見精藍倚
蔥翠溟濛滂鬱有餘潤空白浮青各殊致張
壁只慮天龍窺奪造化工彼所忌

平湖雨渡

盡驅驟暑送微寒荷芰香中盪木蘭恰到湖
心飛急點陣雲來自玉峯端
未逾十日又符期恰接前番徹底滋今歲田

功加倍好持盈益勵奉無私
煙絲斜拂布帆風上下琉璃鏡影中蟬咽蝸
盤花遞馥當前樂趣物情同

池亭

雨後池亭五月涼
虛窻四啟眄蒼茫
風荷亂瀉珠光滑
夏筍新齊玉版香
何處仙家覓蓬閩
此間逸興寄瀟湘
毳毳白鷺真間客
雲水鄉中自在翔

今年各省督撫奏報
麥秋皆屬豐收而

雨暘時若大田又復可望
缺雨及被雹者合計不及十餘州縣
欣慰之餘并示近臣

祈年靡始終致治何難
易幸獲遇屢豐且天下
遂無事屢豐遇實難
所以先憂思憂思日相
尋歲倏臨十四今歲
麥秋好近遠皆一致
雨暘復以時額慶叨

天賜但慮西成遙願奢
鮮能遂即使大有書
詎宜矜滿志餘三匪易
言調六無別計惟此

行錄言三集 卷一
兢業懷敬告諸有位

松陰

茸茸細草縛松陰
松下行吟暢遠襟
施樹凌霄花自落
綠雲為地布黃金

題張若澄翠嶂觀泉圖

翠色屏垂玉色紳
平湖滙處石磷磷
盤山記得天成寺
曾作圖中對瀑人

漢玉斧珮歌

我聞仙人採藥煉丹砂
騎二茅龍凌紫霞
凌

紫霞乃有金芝燦燦茁
玉芽人間凡鐵劊不得持
此玉斧採以歸其家
仙人成仙登鸞車遺却玉斧埋塵沙
邇來四萬八千歲又閱人間之歲華
葆光染纈雲靈文隱茸葩
水碧餘潤不可黷
仙人迴顧空咨嗟

夏日侍

皇太后御園賞荷之作

水晶宮殿靜無塵
綺席冰厨擇勝頻
喜值麥秋登上稔
得陪荷夏賞芳辰
香因風細常清

遠色帶雨鮮恰淨真漫道西池桃實好豈堪
王母笑稱春

飼魚

坐石俯澄波遊鱗生趣多識人先已待得飼
樂無過詎是曝腮鯉堪方聽講我鴛竿絲權且
置非欲效詹何

池上居

構宇俯銀塘淙琴入聽長綠雲高樹合清露
早蘭芳問景真宜夏迎風好納涼芸編紛插

架鑑古一披詳

適值晝長暇仍來池上居徘徊驗今昔躑躅
惜居諸雨現潛泥蚓波恬在藻魚萬緣皆道
趣妙契靜觀餘

蟬

枝上蟬聲作復停年來聽處不堪聽夏中饒
有蕭秋意水閣微風冷畫屏

蜀道難用李白韻

向讀李太白詩意蜀道為人間絕險境

行樂言卷十
比年用兵金川則其地倍險迴視劍閣
天梯胥坦途矣予於大學士忠勇公傅
恒章奏中畧悉其槩凱還宴見命為聚
米縷陳恍如親歷輒用白韻誌之令白
覩此當爽然於蜀道之難若固未始見
云

我聞李白所云噫吁戲危乎高哉蜀道之難
難於上青天昔實謂信矣今乃知不然想其
酒家眠起神來候狂歌落紙如雲烟一時遣

興並寓意幾曾歷險親履巉巖巔我之所云
則在錦城以西樵關外納窪天赦相延連語
言之所不通人跡之所罕到于是處也則有
邛籠以居糲粃以食之金川夜郎自大侮隣
部相與詔詼為攀援逍遙河上等遊盤使我
師老棲荒巖告功不時烽未息宵衣旰食增
愁歎予哀征夫命相釐使我戍卒及早還度
晉越秦未彌月劍閣亦復衝霜攀拾級宵磴
幽飲馬冰澌間此時頗有奏章到謂棧道險

行樂詩卷十一
祇不過如塞上山蜀道非難豈真難於上青
天太白聽此想應笑破顏番窟冰途寬不徑
尺下臨千仞澗上倚凌雲壁以繩繫馬馬驚
逐伏波矢礚殷其雷設非士卒同辛苦安能
成功迅速歸來哉碣樓失其崔嵬巴郎刮耳
夜戶開昔聞格豚魚今見服狼豺休運儲胥
安避虎蛇孽爾雞豚藝爾桑麻却履劍閣如
平地凱歌士卒咸歸家蜀道非難豈真難於
上青天迴思籌邊去歲不禁西望猶咨嗟

夏日香山

林扉來閱小年長佳景天成草木香伏裏雨
過還帶潤山中風至便含涼清泉石上如斯
逝白鶴松間自在翔底事豫遊多喜意每每
多稼勃生良

臯塗精舍

迥榭一憑之山深夏靜時陰晴無定態邱壑
發清思蝶翅霑花馥蟬聲出柳遲谷神如有
約今日又徵詩

靜室

好山無暑避靜室得心安
鏗爾筠篁籟颯然
衣袂寒地高遊目遠雲斂
騁懷寬指點前題
處烟蘿翠欲團

結宇只三楹千峯四座迎
巖松真古貌山鳥
不凡聲晉帖臨窓榻
吳茶就澗烹萬幾欣少
暇偶此寄崇情

溪亭對雨

午熱微嫌劇溪雲送雨過
涼暄隨以異暘雨

信稱和村隴豐登麥公田
勃長禾慰餘還自
問勤政應如何

倚檻眄平湖蒼茫乍有無
真竒許氏句巧幻
米家圖烹茗供清興
敲詩課靜娛傾盆剛少
間古樹尚垂珠

爽氣逼溪亭澄觀合杳冥
瀑泉渾助壯荷芝
似添馨坐可消塵壒
誰能擬色形須臾雲脚
斂淨展遠山青

董邦達仿郭熙山水

往集詩二集 卷一
帶雲低黯幕滄池一陣涼風萬縷絲弄棹伊
人渾似我昨來雨渡御湖時

鄒一桂牡丹蘭花折枝

國香自合獨稱蘭國色還須讓牡丹偶爾寫
生涵至理世間兩美合應難

賦得既雨晴亦佳得佳字課果親王及

諸皇子

落照輝西嶺新晴景色佳龍文湔綠竹蟬韻
亮高槐水足新秧插時和勝賞排寧宜耽物

玩聊復課書齋銷暑幾方暇祈年願畧諧西
成期尚遠敢懈劬農懷

石鼓歌

石鼓之數符天干千秋法物世已少况乎辟
雍所羅列多士藉以資探討韓蘇傑作遙唱
和近者德潛詩亦好濡筆將吟復屢停蛇足
今添笑絕倒昌黎建議雖不行至竟如言見
誠蚤東坡寓意良獨深新法當時實滋擾德
潛力欲追二公橫盤硬語抒文藻或文或宣

辨已紛德德矣矣終莫攷不獨議禮如聚訟
千古訾黃率茲道我命金石譜以來觀之叅
半不能曉四馬六轡縱彷彿雲中如辨飛龍
爪點畫音訓費推尋刻舟求劍識誠小憶昨
幸魯入宮墻禮器惟見貽金匱此鼓上欲埒
鼎彝存羊愛禮洵可表大觀金填誌鄭重金
人輦至燕京肇韓意其然豈其然吾願興賢
得真寶

晚晴

雨來不辨遙山色雨過猶聽近瀑聲盡滌炎
囂生颯爽夕陽返照一川明
目送徂雲蟠螭東蔚藍天色淨高空生衣披
處池亭敞消受荷花面面風
移得新篁翠影翻便教快雨潤龍孫田功消
息今年好餘事怡情畧可論

繁英

繁英得雨滋娟娟更紛披錦繡侵階齒壘瓶
置井眉春園全不讓秋意已先知微露含風

態黃筌畫裏枝

爽

今年從未愁雨少亦復不愁雨畧多昨來微
覺炎熱劇陣雲快與傾天河宿霖既止烟淨
捲風從西北吹來嘉叶颯然朝爽報秋意宜
暄宜潤占農和西山翠黛逼襟袖北村香氣
聞黍禾慰極翻虞心易弛勤調六幕揚九歌
擬元白詩二首並用其韻

元拾遺微之竹種

堂下有竹埭尚缺五六竿却嫌少清聽豈慮
礙遠看赴此膏雨足兼之暑未殘移來青山
曲隨見綠陰團斜拂凌雲松低臨溘露蘭汀
蘆與池葦欲效良云難不肯裁為簫空期鳳
下壇不肯持作釣富春江上寒顛學藍田上
種出千琅玕勁節從此申生機實未闌

白少傅居易山中問月

人生有離別惟月不相離問爾山中月照山
經幾時我自愛山清復不嫌月遲一宵縱不

眠我心山月知三萬六千場從茲與月期除
却陰與晦昏曉必相隨

雨中西直門外

高下新秧翠剡齊更教快雨渥滕隄玉駢蹀
躑無須策烟景徐行入望迷

菜畦瓜架鬱青蔥宿霧纔開曉雨重強半西
成消息好夾途景象得希逢

農事無勞農父談年來較量此中諳謂霑好
雨宜晴矣雲捲遙天早蔚藍

承光殿

詰旦還清禁明晨將視朝路岐臨傑構座裏
眄重霄雲散天容暢雨露暑氣消到茲憂慰
屢松檜自森喬

董邦達松風水月圖

風自涼經松越峭月原明印水逾清高人無
事船頭坐非慕烟波釣叟名

張若澄秋嶺橫雲小幅

參得王蒙皴法寫將杜甫詩情秋色一窓靜

對足忘人世浮名

晴

黍稷霑優渥風光湊曉晴氣清繁暑滌雲散
遠天明花馥侵瑤砌槐陰護繡楹三希披寶
帖三希堂在養心殿內貯快雪中秋快雪有
同情伯遠三帖宮中清暇時一披閱

季夏視朝

詰旦奎中夜易闌杲暎曙色上金鑾宮懸樂
應林鍾律舊制凡御殿奏樂皆用黃鍾為宮朕定以三大節用黃鍾其常月視

朝用旋相為宮之法六月即用拜舞班齊九

品官何必舍人稱絕倡所希多士副其難漫
言例事鴻臚掌拱手垂衣敢自安

題萬壽寺方丈

鳳城西轉過高粱水路晨清一泛航愛此蕭
閒十笏地不殊消受北窓涼闍黎試問心安
未高士徒稱筌可忘小憩便教搖櫓去川雲
迴望極蒼茫

日影

間日陰霖快霽新乍看烏影入檐巡思量歲
月何曾住檢枝光陰訝許頻砌下閒花紛鬪
色池邊細草淨無塵却從清暇偏忙慣詩債
償還也患貧

夜漸長添幾線時挈壺休問漏聲遲每逢佳
處聊為畫於少閒時亦著棋鶴夢安依無恙
石蟬聲亮在最高枝景光自合隨緣賞即目
閒庭影又移

題畫禪室

冷然池上居亦名畫禪室墨妙收香光仍於
室中秘叶香光乃達者兩字誠高出嘉名夙
所耽隨地顏一律宮闈及香山所在皆安吉
愛茲池上佳足探園中密携來數種珍柴几
排甲乙名畫集大觀雪溪古無匹山居子久
圖蘭亭永興筆貫道及友仁真蹟各存一研
精因得趣景清神自謐雨時秋可卜煩暑靜
如逸萬幾值清暇遂以消永日

鸚鵡

徒集言二集 卷一
儘有民間疾苦事語禽何不一傳言怪底不
離飛鳥類長年孤負稻梁恩

泛月

晚風煩暑淨魄夕絮雲徂即漸遲宮漏聊因
泛御湖印波光上下隔岸景虛無一例蓬牕
眺番番興會殊

聞蛩

六月初八日

悲秋人警秋蛩韻偏先去聲傷人入耳聞露草
烟花今古夕底知憂喜觸情紛

董邦達秋山晚霽圖

緗雲初斂樹猶濃正是新秋晚霽容石屋松
林阿那畔招呼應有道人逢

喜晴

暑雨既頻霑快晴亦云可邇日頗鬱蒸赤帝
令行火不雨奚滌炎雨足虞或過叶二麥早
豐收嘉生無不夥西成正可望更冀惟時若
叶夜霖縱未甚展轉愁無那患失豈獨人憂
農窳切我

時雨令人喜時晴令人快風從西北來驅雲
遠天外翠藍蔚高空廓落琉璃界蟬聲亮高
樹瀑響紛衆派農夫相與慶行旅未為害兩
羨既得兼萬興於焉會拈毫披爽涼松篁遞
幽籟

泛月

西嶺橫霞放晚晴水天上下相去聲會清玉輪
又值將盈夕高暎蘭舟得意明
湖心無藉樹朦朧烟容秋毫萬里空蛩語數

聲風露下向來憂樂兩忘中

波激淪漪魄影流聊因載月試清遊
寥蕭風景今宵覺應是姮娥急報秋

黃鶴樓歌題鄒一桂畫

黃鶴樓高古名蹟一桂恹淡圖成之漢陽樹
影連空翠鸚鵡芳草仍離披自言奉使偶經
過追摹烟景曾無遺我雖未登快騁望楚江
坐對奚然疑即今一桂亦如我向所俯仰徒
存思

萬泉莊

常借青山作屏障
饒疏綠水護田疇
愛看黍高將稻下
閒探東雉更西勾
快雨都欣三日晴
水邊田畔意為行
綠雲滿野遮前騎
又見新蕎已怒生
欲暢清流覓水源
濫觴屈曲度溪村
當年聞說丹稜泝
舊蹟誰將日下論

夏日玉泉山

路岐來往雖經屢

每自香山還御園率臨玉泉山傳膳視事茲特來玉

泉而未至香山云

未探深幽向二年
特地清遊當夏

霽山靈為我捲朝烟

趵突靈泉經雨壯
翠巖濃樾浥塵消
俯臨鏡

水心中澈仰接天花雲外飄

蘿徑因幽偏得趣
雲峰含潤獨超羣
清音齋

靜思烹茗便掇松枝石鼎熱

水郭烟村入畫圖
觀農滿意暢吟觚
舊踪漫

問芙蓉殿菌址苔基半有無

心遠閣

高閣據半嶺實擅茲山妙雖較栖月低栖月在
香山半嶺已下亦可騁遐眺我久未遊覽重
來似初到雲標俯綠町樹杪流丹照新晴暢
清襟衆籟含幽調可悟維摩詩似聞蘓門嘯
近遠詎繫境會心須識要

羅漢洞勒壁

嵌崖雲霧上朱夏同深秋天半無仙泉何來
玉乳流空洞含灑氣瑞露湛湛浮萬緣於以
靜六欲安能投底須制毒龍可以參泥牛新

題續舊章歷歷記清遊

曉六月十日

曉色侵羅幌初晴景色和軒墀饒潤秀書史
足吟哦竹裏風蕪爽花間露漸多疇咨勤問
政何以秩南訛

向浦朝烟泮披襟颯籟流景光將餞夏林岫
已迎秋悟物思遐託得心非外求西成消息
好略可慰先憂

戲咏貧

不苦貧於學學富徒勞已豈苦貧於財不言
無與有叶伊余亦患貧貧於得吉士蒐羅勝
辜摧惟患不足耳大選詎可廢旁求出無已
或則諉不知曠官豈其理此貧鵲豈醫其難
堯伊始

晚晴落照

急雨驅滯雲晚晴輝落照入波翻畫樓掛樹
明烟嶠助之西北風寥寥鳴萬竅遲日方立
秋氣機已先到鳴蟬惜景光嘒嘒枝頭噪

讀杜詩

天地間自有元聲於詩得者惟杜陵一生出
處可概見千古詩史真定評水亭荷淨無暑
到試展讀之當快晴尋聲攷格不可得如風
過水文自成我思古人獲我心挹之不竭意
氣平舛度汪洋亦如此時月不見鄙吝生

曉過青龍橋

朝爽拂人多虹橋枕玉河向山行熟路遍野
看嘉禾高下全滋茂雨暘時協和老農驚未

御製詩二集 卷一
見我意喜如何

季夏香山

松塢築雲莊乘閒賞景光
天容看欲淡風意已含涼
過雨泉滋壯迎秋草尚芳
觸緣觀物變底覺是真常

零露湛常流停雲薄旋收水
山觀動靜魚鳥適飛浮
畫意真堪會人心已向秋
萬幾纔少暇詩思又紛投

爽

入山已無暑先秋更逢爽
閒雲何處徂遙天茲益朗
披籟似聞笙覺涼欲添斃
縱日寥廓表寄情碧落上

碧雲寺

招提數武接山園爽籟迎秋嘉
樾繁山鳥不鳴長日靜泠泠
惟聽瀑泉喧

松間路轉山亭古嶺外窓臨繡
壤豐遊目騁懷差可慰黃雲將
次熟西風每將少許勝多許
待欲言竒轉復竒移石動

雲能變幻銜峯返照故參差
地近堯峰先落日風來深谷峭生涼秋情野
寺增蕭颯暮色平川入莽蒼

香山曉景

一夜枕上涼飽眠亦清醒烟霄留曉月曙色
橫西嶺寺鐘續遠聲岫柏弄餘影露蛩不肯
歇風蟬方欲逞素心悅淡泊勝託值虛靜偏
是悲秋人秋光乃先領試看碧寥天漸入寒
空境

皋塗精舍作

精廬虛朗蔭高槐嵐翠迎人足散懷雲卧天
闕無不可風清月白致多佳楹間寫霧波濤
幻松下流泉琴筑諧是地怡神堪久託初心
勤政懼微乖

立秋

斜照半川橫梧飄一葉輕霽光添慘淡秋信
太分明潦水行將澈寒蟬亦已鳴甫田消息
好額手待西成

急雨催殘暑微風遞暮寒農談欣有慶農政全書

云立秋小雨吉又農諺云立秋日小雨即晴主無秋霖之患是日小雨即晴甚協農占云

往事感無端寥廓澄虛宇威紆露遠巒安排

閒筆硯準擬詠金官

景光傳白藏徙倚向銀塘拂竹風全爽浮荷

露漸涼閒情牽素月穡事協時暘底藉占風

奏田功報吉祥

秋英

立秋纔幾日秋英已粲然紛敷不計名丁星

渾欲仙金掌擎羯露玉祀霏琅烟豈論昨夜

開且爭今日妍花底蛩聲急似怨時將遷蛩

兮爾不知此景自年年

討源書屋新秋

露湛風蕭玉宇清今年秋信太分明坐來恰

喜書齋曉日極高空靜六情

書屋軒窓足靜幽四時皆好最宜秋疇咨已

罷餘清興宋玉佳詞在案頭

秋日澹懷堂

玉宇暢霽光松軒俯閭井山水既清佳結構
更寬整土階每覺慚繡柱無須逞神心適可
達紛營於以屏斐然翰墨香謚爾希夷境豈
惟容膝安寄懷斯良永

歐雀聲

苗秀已將實歐雀聲聒耳今年晴雨時結穗
均纍纍雀利亦何妨而人猶惜此清晨至夜
闌譁謹殊未已因之識農艱屢豐勞倍蓰是
雖疾厲音中有無邊喜

早桂

離離初見綴枝黃便覺西風滿院香每惜流
光如駛疾又欣節物先去聲秋芳摘供佛鉢宜
清淨底向風旛悟幻常月夕那堪思徃度塞
遊兼擬追神傷

將命駕塞上行圍臨靜安莊酌酒

人情歎鮮恒時運有興歇日遠豈期然偶來
愴心窟三杯未此酌兩月過已忽那堪值凜
秋行秋駕將發前歲景目前變故一何卒別

恨賦難窮獨宿塞山月

郭外

郭外雲容綠欲黃
高秋露氣接烟光
三時憂喜心差慰
萬姓饑寒願稍償

乍聽千村銅雀鳴
更欣十日湊新晴
即今已識西成好
墟市都稱米價平

禁中新秋

緗雲澄碧落玉律
應商風問穡臨
函館乘時御法宮
網軒歎氣退金掌
露華融乍馥螭階

蕙初飄鶴禁桐間情
咨翰墨治理溯鴻濛
所愧無為化端資
大造功

摘藻堂

文軒搆瓊苑仙柏蔭
廣宇題額縱自今
考蹟

亦云古御花園內殿芸編貯萬卷
牙籤分四

部堂內所藏諸書朕命以淡泊以怡情節儉

斯貽祐揆毫戒麗妍
守器懷神巨畀茲力
溝

洫無間惟稱禹

自高梁橋泛舟至西海即景雜詠

鳳城北轉石橋邊秋水澄泓可放船夾岸黍
禾含宿雨颭波蘆荻拂晴烟
間置亭臺俯深波進舟端勝畫中過霽空如
水清無滓著箇西山矗遠螺
溪風無恙布帆涼搖曳輕舟過麥莊白露漸
多霜尚早晚紅猶勃水華香

御製詩二集卷之十一

古今體八十五首 巳巳四

塞上行圍奉

皇太后啟駕載覽西成有象即景秋曉成吟
七襄雲物九秋清是日七夕節正值朝來湊快晴
頻歲巡遊奉

慈輦乘時蒐狩發行旌千畦香撲黃雲徧列
嶂屏拖碧靄橫邀得
壽康賜言笑勝常年看好西成



過清河

潦盡烟凝秋意多
垂鞭輕騎過清河
仲秋射獵誠云快
未若沿途看好禾
塞外常年穀屢豐
今秋應慶此間同
却聞傳說仍勝此
未見猶然疑信中

示七弟及諸皇子

汝曹讀書久茲命
隨時巡詎云事嬉
遊吾意良有因

祖制不可忘
勉繼在後人
汝觀此稼穡
勤哉勞萬民
汝觀彼部落
何以來相親
乘馬汝安逸
僕役殊苦辛
深宮汝豐裕
鄙屋多窶貧
見獵可悟學
射鹿應懷仁
絜矩汝其履
大旨斯畧陳

七夕

今夕夫何夕
無端意惘然
恨曾經去歲
痛復憶前年
夜靜風露下
天空雲漢邊
行宮非禁苑
底事又情牽

黃花路

荊野屢經行所愛黃花路每到似披畫向過
已留句金風玉露中又復歷此處此處土最
肥嘉生無不怒黍稻均有秋瓜壺飽於茹熙
熙老若幼衍衍婦與孺往往聽衢謠初不離
本務寓縣盡如斯資生復何慮

微雨

快晴十日值微雨霑潤欣知益晚田歌舞農
夫怨行路世間兩美率難全

密雲行宮即景

背樹已成林行宮秋未深景光還似昔歲月
忽為今新魄飛河畔幽芳笑砌陰城鐘初定
夜悠爾空去聲塵心

九松山

遠峰近嶺率成童是處丸丸特鬱蔥獨樹也
知依佛地別傳何乃盛花宮翠微背指橫朝
靄清籟徐飄下碧空漸近邊關秋果好黃雲
漠漠颺西風

月

快意散閒雲舉首見新月經秋喜倍明
遑歲過何忽望輪縱未圓弦規已高揭
行宮夕景寐適可供清悅蛩飲露愈壯
蟬入暮將咽而我愛眠遲倚吟興無歌

攬勝軒

盤雲棧道出山巔靜室三間佛宇連縱
目直窮千里趣置身真在大羅天
是處俗所云南天門者也當
秋野卉翻紅錦過雨遙峰濯紫蓮
南北山川此間合古今形勝望中全

常山峪行宮八景

綠樾徑

隔歲未尋綠樾徑當秋恰到白雲間
行圍塞上看山好路便先教看好山

虛白齋

行宮結宇底須多據景標名便可歌
虛室三間無別物到來惟見萬籟羅

青雲梯

嫩翠濃青杳莫分天風吹織紫綃
霞自知不

是安期侶足底胡然步入雲

楓香阪

仙人石室青霞封
僊佺招我相陪從
琥珀遺堯不曾食
念茲長謝遊仙蹤

蔚藻堂

吟句無煩求俊逸
淺言亦可暢清懷
翠崖有問如何答
記我今朝意甚佳

如是室

自是新秋坐清晝
不殊前歲對間窓
碧空似

我澄無滓何所得
來心可降

翠風埭

巖樹風過翠浪翻
重重罨秀入山軒
未教楓色霜前紫
且聽溪聲雨後喧

陵霞亭

峰頂有亭真翼然
下臨無地上空天
莫云一宿堂堂過
暮靄朝嵐結覽全

山田

今歲山田果倍收
黃雲到處暢吟眸
可欣火

種刀耕地也報崇墉比櫛秋搖曳似聞風味
美湛灑好看露光浮賦租本薄糴殮足茅屋
纔言了不愁

灤陽別墅

又來別墅早秋天未啟閒齋向二年草木依
然成蒼蔚光陰底識有推遷濤增古柏急鳴
籟潦退淥流緩滙川忽憶雲窓同眺處愁懷
欲遣倍淒然

小金山作

逕入綠榆遠軒憑碧浪高秋初尚濃蔭雨過
亂鳴濤舊句題四壁重來有二毛景光不殊
昔底事足牢騷

雲標披颯爽天外眺蒼茫最愛登臨美渾忘
衣袂涼喬松風度籟野草露生香為問曹唐
句遊仙第幾章

引水成湖面為亭據石頭畧教加點綴便可
學滄洲山鳥能延客莎蛩特韻秋昔年吟嘯
處歷歷記清遊

畫梅

塞山絕勝大庾嶺其間何獨無梅花與來點
筆開生面宛見冰姿窓外斜

駐蹕避暑山莊因成近體六韻

較獵臨藩塞行秋駐御莊軒庭懸

聖日岩壑蔚

龍光思示諸兒法

臨御以來是歲始携諸皇子扈從

欣承

文母慶沿途看寶穡勝地息雲驤五字吟新

句千言詠舊章

舊作山莊百韻詩書於壁間

觸緣皆可樂

何事轉神傷

即景

洞房雲館皆依舊前歲今朝頓不同我是道

愁來此地

近作早桂詩有塞遊兼擬道神傷之句

翻教即景惹

憂忡

清舒山館

山館重来啟碧疏清秋景色果清舒巖風送

爽辭紈扇林鳥銜花下玉除泉出石甘堪酌

茗松依庭茂稱翻書今年頗覺吟情懶於此

婆娑一起子

荷

每至山莊玩晚荷依然雲錦落澄波水仙已
自工圖畫園客無勞豔綺羅鹿愛香風常飲
澗蛩悲瀉露亂鳴莎相看不忍輕拏折有恨
無情韻竄多

中元夕放燈

烟光露色早秋天望夕冰輪滿意圓例事盃
蘭傳梵唄便看朔塞放燈船照巖霞錦驚眠
鹿貼浦雲葩綴敗蓮千古詩人吟不盡湖山
風月總無邊

澄霽樓

戶牖平臨霽景霽偶來登眺衆峰低山中草
木霑
堯澤樓上雲霞葆

御題

泛月

漸上東岡素彩鮮晚涼試泛木蘭船那忘前

御製詩集卷之二
歲曾遊景却喜今秋初度圓赤壁移來紫塞
外銀河朗到白榆邊印波若悟同中異一指
何妨半與全

鍾峰落照

西日隱東峰天光入水底披襟松籟寒千林
紛翠紫

山中雨景

山莊駐蹕逢秋雨淨滌餘炎益晚禾行旅何
曾愁且怨農夫祇覺舞而歌入谷不盡出山

朶雲剛見吐遙峰雨不崇朝膏澤濃好待晴
明詠新景萬山濯出紫芙蓉

點經塞樹聲偏壯籟度山樓氣忽寒却為空
濛宜縱目添衣還倚石闌干

鹿避濕依深樹立魚喁漚傍碧荷浮金官權
被山靈擅幻得新秋似杪秋

聽瀑

雨後來聽瀑淙淙響益繁大都得之耳惟此
不為喧赴澗來鳴鹿攀林飲渴猿山中足佳

趣難與俗人言

泉源石壁

奔流迅復縈竒石上有松崖倚白雲山鳥飲
泉林際下帶將松子落紛紛

雨中泛舟

引水為湖足放舟烟篷越可作清遊誰知塞
景新宜雨不意園池舊泛秋飽挹涼風侵翰
席倏看潦水漲溪流空明獨對蕭條境底有
機心猜野鷗

題蔣溥寫生即用其韻

露玉風金塞景清秋花待客發幽榮拈來迦
葉不禁笑問去嵇含無定名細朶含颺銀麝
艷斜枝暎水錦粧明師承家法間圖出

向曾扈 駕寒外國山 右相丹青有後生
花以進是圖 仍舊稿也 溥父 廷錫

延薰山館名大學士傅恒史貽直及內

翰侍御諸臣賜膳賦詩輒成首倡

雨後晨清霽景開山莊相共賞靈臺智仁樂
在山兮水賡詠才看鄒與枚巖下仙泉鳴

舜樂庭間温樹識

堯培

舊時侍從今元老鳩杖中朝未扈來

如大學士張廷

玉來保今皆以年高在朝辦理政務不扈駕來此矣

登四面雲山亭子

雨過千峰濯黛青乘涼縱目坐山亭尋常樹色猶遮望到此山容無遁形

絕頂平臨北斗齊座中惟覺萬山低林禽饋客爭銜果磻鹿迎人淺印泥

霽空寥潤早秋清邈爾拈豪暢快生底事成吟多警句會心遠處鮮凡情

張若澄塞山欲雨小幅

西嶺吐雲東嶂合蒼蒼今纔間復滃然從知墨戲傳王洽意在空濛作雨前

雨後

雨後泉聲壯風前樹態狂洗空萬里碧變候一番涼谷靄凝朝潤秋花散晚香向來無此景始快宿心償

御製詩集卷十一
康熙六十一年予扈

皇祖駕時居於萬壑松風軒之側今歲携諸
皇子至此仍以是處居之竭爾經臨
惓然感舊

佔畢書齋還似舊兒時居處處
上聲諸兒越教
俯仰懷

恩澤用勵勤修示範儀

偶成

低樹以為帷高樹以為幕山鳥不驚人選枝

山果落

即事

雲裏峰姿開錦繡風間松籟韻笙簧乍當日
午微嫌熱便忘清晨尚怯涼

野水無心東復西閒雲不繫高忽低蹊花露
滿知蛩樂岩柏月明遲鶴栖

窓間坐愛峰迎面樹下閒來鹿乳兒羽客若
求不老法應於此處劬靈芝

波光不讓琉璃淨嵐翠常知帷幄浮數日幽

探清興足明朝去賞塞垣秋

曉行二首

背指雲莊碧巘標輕寒微透素秋朝兩山抱
谷行十里一水縈流渡廿橋常喜村墟聞犬
吠不教父老訝雞翹精藍猶在翠微裏只許
鐘聲林外飄

漩復迴環白石磷蒼蒼露芷更烟蘋源頭自
是新過雨渡口旋看暴漲津通野望中全入
畫問程行處那生塵所欣高下豐收定纔得

茅簷鮮藪貧

釣魚

跂石弄竿綫慕波漾烟翠豈乏釜鬻烹為愛
滄浪意

波羅河屯作

塞館清涼車駕停仰流鱗集衆藩屏亦咨力

穡秋稱好蒙古今亦知更喜攻駒境永寧長

計何須誇絕幕恩柔遂以撫來庭尋常視此

殊艱致

御製詩二集 卷十一
謨烈躬承勉德馨

涼

昨夜西風力一夜更氣候衾枕已覺寒晨起
山颼驟策馬歷蘭衢露光白如玖叶華黍被
山田西成實云富乍思日可愛胡尚隔東岫
出谷朱鳥騰仍此婪暑晝塞垣無定節妙理
得時狩咨彼羲和氏何以副敬授

策馬

策馬山樹復水隈玉鞭斜躡不須催灌園村

叟籬邊接獻鹿雲人林外來黍秀奄觀高翼
翼蕎花重喜白皚皚常年此處秋成好一倍
秋成見此迴

山中村

數家茅屋亦稱村六畜兼宜乳字蕃樺木高
排成虎落荳花斜蔓隔鞞樊
揀田隨意墾山上避賦成羣到塞中縱是漏
卮聽亦得丈量底更命司空

塞上秋

羣山糾紛水抱環水如玉白山霞殷豈是東
王公幻戲由來商令司金官樹風蘿露將鳴
鹿重著棉衣意不足吳江楓冷已太遲巫峽
秋高較應忽颯景偏覺稱人心特是林泉効
靜深三十日佳看易過塞上行圍以三十日為率廿首詩
成未入吟舊作生秋詩廿首未曾及塞上云

行營

曠甸御行營蘭皋秋氣清細旃中建殿連網
外為城部署明分張去聲各部皆有行帳大書以別之私廬

各認旌謹譁禁逸度歡樂驗輿情野水人人
汲青山面面迎年來茲室裏爾許好詩成
入幕今猶昨塞簾樹與山牛車來晚市例許蒙古
互市率驅牛車以來鈴索謹宵關前鋒營掌卞路之事以鈴繫索為界人不
得私越水號羊腸曲峰凝螺黛彎雪鷹金捍臂
蒼犬玉重環雲澹秋情迴天空塞景閒古來
稱大漠此日是仙寰

秋晚

巖嵐谷籟清秋晚西春半隱雲標巘旌門射

罷適餘閒帷宮何必遜林苑窓虛几淨堪道
遙燈明千幕無喧囂年年武帳渾如舊憮然
忽念前春朝我是這愁遊塞上近作有塞遊
兼擬這神傷
之翻教即景生恨悵堯峰偏解惹人愁火迫
丹楓纈遠嶂

楓

江楓畫曾看山楓親所覩洞庭猶未波玉塞
已如許殿峰雜早霞頽巘明秋宇幻傳或作
人眈視每來虎今歲與前秋白駒迅似流林

景曾何異帷宮事不伴開窓聊縱目點點照
人愁

綰花

單樹紫姹更紅裳偏是秋來生意昌擷入掛
綰饒靜趣又教行殿挹清芳拈鬚竭爾吟新
句插鬢能無憶舊粧相對奚容成一徃便叅
離合露中香

止頓

止頓宣傳休獵騎紙窓贏得曉秋閒封章昨

日剛批閱無事今朝飽看山
夜雨連明霏細絲因教停憩衆情宜乍分忽
合雲容幻低昇高峰畢獻奇

羶廬布帳繞營開須傍山隈避水隈泥濘莫
愁供億缺牛車伊軋趁墟來

霧氣離披欲放晴山容紫翠又新更侍臣試
問枚臯侶今日清詩幾首成

絡緯

塞上秋虫夥紛鳴抱露榛那曾催嬾婦却解

動征人風物渾如昔烟花且自新刻藤親貌

取前歲塞上曾圖之俯仰便成陳

閒

塞雨因成旃室閒豈惟容膝亦怡顏
水如遑者落葉秋風復此間愁入舊懷遮莫
遣詩成結習未全刪誰云良止真能止試看
雲中幻黛鬟

晴

塞雨滋秋野金風助快晴翠巒新沐濯紅日

越晶明草色猶含馥溪流乍咽聲底須慮泥
滑牧法馬蹄輕牧法者牧得其法也凡馬春
至深夜汗落而後飼馬則馬益
壯而無蹉跌之虞此之謂得法

山中

山中秋日勝春日木葉微脫精神出更餘淺
綠與深紅拂以涼颼眾響逸滃然吐雲萬態
幻詩不能工畫停筆待圍澤地時憩留撫松
藉草坐石頭子陵垂釣景宗獵各適其適心
悠悠我遜重華希有志木石與居庶豕遊

文嘉踈花冷蕊小幅用畫間題者韻四

首

野草閒花遍谷香誰教冷蘂綻旃堂當秋乍
看冰心白破臘全欺磬口黃右文
嘉
塞山那有藐姑姿携得行滕軟玉肌消暇不
教開牖看恐防朔吹十分吹右周
光

小金山閣俯灤江曾貌踈花入月窓近於喀
刺河屯

行宮小金山閣中曾畫寒梅一枝並成
云興來點筆開生面宛見冰姿窓外斜詩
今

日真梅端在目翻嗤布鼓不成腔右王
穉登

花常不落藥常開笑我無能引綠杯有子停
雲真未往無妻和靖儼重來

右居節

獵

山青雲白塞垣清快試秋圍趁曉晴淺水穿
林衝暗渡橫岡冒霧落斜行雁行左右排千
騎魚貫聯翩認五旌日暮頌禽喧弗禁為田
猶足見虞情

奇花瑞草總含芬少坐岡巒亦可欣幾樹濃
青幾樹赤半峰晴靄半峯雲獸驚避箭

夥人語呼圍隔嶂聞倩泐鴻網原有度即茲
深寓教三軍

八月朔日作

金韃臨仲月玉衡指星虛曠谷武帳間算樹
商籟噓怡神向神邱勅幾凜幾餘西成近遠
嘉平秩懷差舒而胡黯然傷徃徃悲來予前
歲景目中排遣仍紛如

霜

向北日以寒逐漸添衣裳朝來履中庭地白

霏輕霜巖楓益纈丹甸草將變黃呦鹿已爭
鳴虞人喜欲狂塞外姑聽之遲早異時光春
秋記殺菽內地為災傷

聞京師西成豐稔喜而有作

今年春夏秋三時時雨時暘無不宜近自畿
輔遠滇粵麥收普稔秋堪期新秋發駕臨塞
外奄觀銍又猶待而意謂晴雨協一月千倉
萬箱獲無疑果如所望出望外而况塞外尤
倍之江淮之間微苦潦百分一二纔毫釐惟
恐向隅深望澤先事撫恤命所司京兆露章
奏豐稔欣觀詎止飫已飢歎為

天責豐

天佑此實我職奚容辭作詩匪云誇亭豫任
重道遠紓遐思

閱本

綸閣封函驛騎馳豈因遊獵急疇咨心殷籲
俊其難矣政在養民每念之所幸題章鮮速

議各省奏報災傷皆批該部速為逢秋稔適

惟時深虞豐豫渝乾惕思日孜孜勉敬寅

御製詩二集卷之十二

古今體七十首

巳巳五

秋字

秋宇本寥廓塞旻益曠間雲斂蔚藍迥清光
皜日懸崇邱欲倚杵高處不勝寒遐晷一騁
懷傑池俯衆巔案衍舞波濤瀏莅非絲絃可
會不可著無色聲界天

蒙古王公等進宴因賦六韻

玉磧開嘉宴穹廬覆慶雲輸誠因素切獻曝

亦堪欣

上壽尊

王母傾心奉大君
酪酥為湛露
鞞特作香芹
勇鬪撲跋戲雄看
詐馬羣懷柔仰
祖烈巡狩勉時勤

移頓六韻

逐水頻移頓

止頓必擇水草之地以便衆也

曾無廿里賒

以

圍每日移營不過十餘里

建營今似昨取勢正還斜壘或

多因舊

凡木蘭內止頓處率因其舊

竈無須更加

亦有尋舊竈而

炊者

賣蒸原有市換馬要增茶

人以所騎瘦馬換蒙古肥馬再

類即以茶布之類即可得

內外奚分界休和久一家朝程

迴首望烟散滿林霞

不廢

不廢吟詩習字常欣跋馬登山身勞未始非

逸心靜覺有餘閒

新月

八月五日

一鈎宛見生西宇十日猶遲正滿輪自是中
秋勝常月未中月便有精神

漢邊斜拂漾微明借助龍沙景色清林外窺
人渾是舊誰能此際暫忘情

雖寒不濕光盈手未滿將圓意逼人消得遲
眠風露下目窮西嶺更逡巡

烟火全無朗磧臺巖枝澗葉夜光皚絕塵佳
景吟難盡可惜詩人鮮到來

經翁牛特部落

分界司林園

木蘭據各部落之中凡近遊牧
之地各出人巡察入園場伐木
及盜獸者適以行圍欲至興安
大嶺乃翁牛特所司之也云

行圍便一過

同民誠有愧為弇底教訛

塞外之地豈可計
里然行時習武適
有禁而亦未如殺人之罪云耳

部落輸誠

久屏藩効力多相於禁翦伐更且謹誰何除
道心猶悚近光肩欲摩善為安畜牧永久沐
恩波

登興安大嶺歌

隆崇乎興安之高極天蔽虧陰陽日月不
得擅其照變幻寒暑造化不能捺其權溺愛
少男或驕縱人情有之昊乾胡獨不然豐隆

列缺供使令屏翳飛廉相後前元黃欲判猶
未判神邱卓立鬱為萬物先邇來三萬六千
歲未許塵世知津源腐儒耳食各享帚浪傳
宗惟泰岱靈著峩嶺巔蓬萊三山只培塿宜
居地仙豈可方此居天仙谷羸荒略闕文獻
但詫遊牧謹避偶過無不膜拜加敬虔祖龍
立界不敢近却臨滄海施神鞭乃知與宇異
凡世洞天福地皆虛言興安之高高極天西
來崑都崙東接長白山是為二峯之中氣如

宗承祖嫡胄綿千支萬派分案衍為嵩為華

相牽連杭愛

在喀爾喀之北

阿爾台

在準噶爾之東

舒右臂

索岳爾濟

在黑龍江之西

憑左肩向背雖殊條幹同

繁星拱北海納川特言其小數千里結為靈

囿之木蘭何竒不儲物不畜那能一一徵言

詮雲夢上林赤縣內相如揚厲尚爾摛鴻篇

使其知此退三舍故予不復雕蟲焉

皇祖昔年曾一至即今

聖蹟蒼巖間我來獮狩近瞻仰賢王奔走相

周旋朝發行營質明到金風謾謾高秋寒時
為衡嶽之開雲冕以朱鳥溫暾暄時為傳巖
之作霖霖以玉葉鋪瓊田瀏莅卉歛奏萬籟
意謂山中饒管絃此虎閭砢舞衆木若示羽
衛森繽緡木蘭形勢指諸掌南臨按轡一覽
全北顧蒼茫乃無際邊防久計心籌旃興安
之高高極天非我作歌其誰傳

霞

塞山易雨晴亦速金風西北吹林麓殫雲滿

空去何方幾縷惟餘繞峯矗夕暉返照成落
霞色雜丹楓紅菽菽翻壁何須待入江齊飛
或見來孤鷺晶熒晃朗蒸赤城不火而逢陸
渾谷

題蔣溥畫金蓮花即用其韻

一種清涼卉

是花以出五臺者為
美茲塞上亦有之

數叢金碧

纖畫成塵外質
鉗貯靜中蘓
相映金風拂
惟輸玉露霑
不須分彼此
佛手早經拈

張若澄關城疊嶂小景

御製詩集 卷十二
巖關白界列峯青乘障當年據勝形便是昨
夕經過處雲山迴望意為停

夕

曠野暮雲收寒光黯欲流風如矜朔塞月已
競中秋颯景供澄觀陳編契靜搜匪云誇博
覽愛與古為謀

放鹿

出谷霜風嚴冒嶺朝烟霧合圍廓堂皇輕騎
劇鴻網彌縫無漏罅吻鹿周陸衆應弦紛屢

踣疊雙頻命中他他已鋪原祁祁互奔撞肩
怠敏系弱張手疲遊龍鞞大庖既云足頒殺逮
僕從於物誠盡取多或棄無用因命伙飛徒
罷射快一縱歸林得所樂失侶懷餘慟習武
會常來孳息仍厨供非希湯網名儒臣漫陳
頌

雨

塞雨剛逢止頓時擅廬點滴入清思暗迷遠
嶠鹿呼侶斜掠平林鵲選枝無盡寒光偏對

戶幾多涼意忽侵帷迢遙南望關心處恰值
秋深種麥期

雪

山靈幻戲能剪水展新雪景又如此雪景從
來我最耽何況塞山清無比塞山幾度舊曾
來玉粧粉飾逢今回樊川詩與營邱畫未若
真界天然開丹楓翠柏傑池露嫦娥耐冷守
顧免司天妙算此閒窮却待新晴吟積素

晴

新晴虎帳暢吟看積素龍堆果大觀朱鳥已
烘一谷暖玉山猶勒兩峯寒更添喬柏千尋
翠未改踈楓幾葉丹今日成詩真可和何殊
六出點朝冠

旃室拈題憶保陽興飛白戰韻鏗鏘

丙寅十月自五

臺迴蹕於保陽道中遇雪做蘓軾聚星堂體凡四疊原韻云

試看畢獻山

靈技莫怨新添旅客涼入畫無舟休訪戴烹
茶有婢底慙羊千林日上開生面白玉屏蒸
紫翠光

萬壽節賜宴王公藩王及廷臣因成近

體

晴光蕩漾瑞烟浮介壽龍堆勝十洲白雪調
歌白雪塞預日微雪鹿鳴詩賦鹿鳴秋侍臣羣獻
南山頌嘉客來添海屋籌我有斂時深祝願
慈寧福履永悠悠

叠前歲中秋帖子韻并令扈駕翰林等

和之有序

向以中秋佳節適近萬壽慶辰桂筵繼

介祉傳觴綵服猶延禧具飾歡騰中外
對佳夕而賡祝嘏鴻詞時際熙和巡朔
塞亦詠宜秋彩帖自去歲遭安仁之感
每登樓傷貞觀之懷况乎

大安奉處顧瞻缺侍几良速值茲令節相於
俯仰憶脫簪舊侶斯誠憾矣能不愀然
然而虛擲良宵抑亦難抒夙恨是以名
言戒其一往梵帙喻以六如興盡悲來
固其數也悲過興繼又復宜之維時玉

御製詩集 卷十二
宇開金風霽則見鷓行虎拜環幔城而
呼九如於以雁磧龍沙望蟾宮而臨十
五屬車扈蹕粵有騁妍抽秘之儔大漠
矢音宛成弄月吟風之地例依前歲句
各新裁

評量今昔值清閒萬慮誰能一例刪
囑付中秋玉輪月照予千載塞垣山
無滓精神不濕光澄觀只合一鑪香
繁絃急管從來厭底藉名言言疏讀
匡

帖子宜秋我作師每教塞景艷新詩
昨來積素溶金液新沐秋蟾出玉池
高處為居便是樓今年雁磧不孤秋
東山凹處鍾峯畔彷彿嫦娥笑點頭

中秋即景

磧風拂拂夜光流滿意冰輪見舉頭
此際素娥應耐冷今年玉塞又信
平聲秋無須對景翻
思舊不必臨池更倚樓極大圓中
圓魄度何曾痕跡著些留

行集言
卷十一
中秋日侍

皇太后宴

中秋節自好上塞景尤清咫尺廣寒界依微
仙樂聲雪開千嶂秀風助一天晴邀得

慈顏喜山靈與去聲有榮

翠几堆花餅鮮盤侑野麋千秋最圓夜五字
又成時北斗懸金幕南山獻桂卮吳剛脩不
到輪外一枝枝

聞雁

旗廬清夜分候雁數聲聞霜落纔傳信塞上早霜

故云沙平淺印文早來應挈子春時雁北去至極涼處換羽育

誰至秋攜之以南可羨未離羣木葉洞庭下何須怨

楚雲

哨鹿

曉蟾駐魄碧光流哨鹿時惟八月秋邃谷試
呼來得得虞人真解學呦呦耽盤媒翳啮剛
挂閒放綸竿任釣舟朱鳥旋升開曉色塞中
隨意作清遊

暖

積雪皚陰磴暖氣蒸陽爨霏微細雨零倏忽
朝霧卷金烏晃楓林生色畫屏展重裘欲換
棉豈是朱明轉山中候無定和仲詎能辨隨
時愛景光此間興不淺

塞中即景

風清月白仲秋天問景龍堆漫鞞鞭碧宇泐
寥雁書字蒼巖嶻嶭鹿呼烟山陰雪凍山陽
雨谷尾溪喧谷口泉日日意行頻得句霜林

真比曉春妍

崇邱作鎮鬱壇曼萬派千支勢拱攢碧澗似
擊圍嶺腹白雲為旆裊槍竿試看秋景如春
景端是木蘭勝上蘭一月行程詩遞詠嘉陵
粉本不殊看

塞山夕景

哨鹿宜曉夕復宜虞人技憺無不為平岡獵
罷合夕哨我亦因而姑聽之下春荏苒落西
嶺踈星寥亮天四陲丹楓翠柏纈遠嶂忽隱

繁縟惟參差須臾參差復全隱萬化冥合心
神怡遠瞻燎火指歸路曲尋淺水渡野溪偶
然一試古人語佳景乍得聊成詩

雨

塞雨又逢止頓日山靈有意示神奇設非親
見誰能信告未曾來人定疑

前朝霏雪今朝雨塞上寒暄曉暮殊贏得閒
情摹杜老底將經世問堯夫

打幕頻聽淅瀝聲石漸月離驗輿情猶欣供
億隨營足菽井山墟列布棚

添些紅樹明晨景展却新圖此際間秋獮將
完促歸轡畱看塞上米家山

賜宴蒙古王公及行圍諸軍校因遣各

歸部落

秋郊罷合圍六轡駐駢駢今日開佳宴康衢
敞御幃輸誠悅藩翰布澤錫恩輝千二百軍
校驅馳聽指揮遍教霑湛露同得被陽暉執
後今時切和親歲幣非謹譁權弛禁犒勞底

御製詩集 卷十一
從威懷肉無朝朔

蒙古人受賜所食餘肉率懷之以歸且以為敬云

山村

按轡度山村富秋觀次第往來一月間五穀已登備棲畝有餘糧納圃無隙地山田租賦薄茅屋俯仰遂此心慰始定額手洪鈞賜伊余有後思古今人殊致耕九而餘三既富教斯繼是道豈非要行之貴無事苟其不得人匪愛乃實害叶莫如今蚩蚩各自為生計所

願錫屢豐何虞民不治屢豐豈可必孜孜勉祈歲

納稼三首

納稼塞中早寒暄候不同秋豐悅圃滿田穫
覺山空升屋炊烟白當鑪濁酒紅兒孫瓦盆
熟便以侑村翁

田家底為樂秋好即無愁不識催租吏渾成
擊壤遊比隣皆有積滯穗未曾收乘屋仍多
暇春寒不播牟

莎坂玉霜濃垂鞭過碧峯烟村呼父老穡事
訪從容故地原難較今秋得未逢關外種地者多山東

之民皆言常年即勝其報章披更喜大有慰

三農

九月朔日行圍迴蹕駐避暑山莊之作

秋猶言歸自木蘭山莊容與憩征鞍飽觀豐

稔情堪快暫豫心神樂豈盤泉界綠雲供鹿

飲山留紅葉待人看前年已設登高約將於此登

高然後早見孤亭聳翠巒

重臨雲館坐明窓真覺流陰逝水從塞上山

容雖獨出園中秋景實無雙檜松晚翠拏蒼

巘鳧雁閒心樂碧江每到却然頻憶舊塵根

底事未全降

秋海棠

塞中野卉多而脆幾度經霜委白沙還是御

園饒景色秋風孃孃見唐花

清舒山館

山館從來寂暢情開軒况值九秋清多於前

度為何事颯沓空庭落葉聲

最宜觀處皆成畫於暫閒時輒詠詩設使幾

餘無二者更教何物遣情思

霜染丹楓淡復濃扶崖鬱翠見喬松鹿鳴每

向閒窓聽知在蒼烟第幾峰

潦盡寒潭清見底林疎遠岫淡無痕重陽節

近黃花放便是東籬處士村

覽熱河井邑之盛知

皇祖煦嫗之深即目九秋斷章三首

萬家烟火較前增

皇祖詩云聚民至萬家今則不止於萬儼成大

邑井邑紛填有賣蒸可識

聖人弘愛育山莊小試有明徵

避賦避災離里閭

熱河本無土著率山東山西之民遷移來者然揔不

出此墾原墾隰藝桑麻慙無為養因無禁

遷移

而來者豈非惰民然內地戶口日增今有塞

外可墾之地則亦聽之而已故不事丈量替

也察中外由來久一家

蚩眩喧聞列肆聲高樓縱目玉旻清有秋市

此問惟米價最平而他物無不

御製詩集卷之十一
增價者詢之市人則云隔歲來巡吾儕趣
此獲利此雖無厭之談而實人情所有

登四面雲山亭子

中峯千丈拔地起特據其巔構亭子初秋蒼
蔚尚連林登臨未露山容美重來木葉已半
落惟餘老翠及嫩紫精神氣韻莫不獻纂組
刻峭無能擬三旬飽看塞垣山摧婁綺錯固
佳矣萬景天全結構精又盡善焉乃在此

題永恬居

夷峻築間館邱壑占幽偏落葉如聽雨開簾
不捲烟景光新意趣書史舊周旋道味真無
斲心恬足永年

菊

黃華鍾正色必向御園開識得重陽節剛從
上塞迴霜嚴信徒爾日嫩特佳哉靜對無窮
趣茱萸漫泛杯

山中杪秋

煙雲朝暮變紫翠榭楓蕪籟動風滿谷波澄
月一區景深素秋杪興寄碧峰尖無盡藏真

御製詩集 卷十一
界取之豈礙廉

間窓日影上書室足清光誰謂山林內而無
翰墨香芸編堪汲古菊節待重陽入畫相應
處千峰卷一房

題素尚齋

山莊山水佳天然去雕飾是齋顏素尚古風
猶可識開窓見千峰對之有所得揮毫戒繁
華

聖人示我則

暖

皮衣脫却換棉衣塞外秋暄見所稀真對黃
花堪落帽坐看紅葉稱寒幃人家烟火催時

暖

烟火多則地因以暖熱河向
為寒地今則頗似關中矣

沙漠風霜限

地違幽贊洪鑪誰復識

神靈當日協璿璣

夜雨

春霖憲或少秋霖慮或多惟有杪秋時多少
無不宜叶萬寶既告成冬麥恰始播叶山莊

御製詩集卷十一
茲駐蹕夜雨占天和
廉纖窓外聲庭樹想婆
娑更無愁漸石此景實可歌
伊余較雨暘年來熟研摩
特喜杪秋雨供賞無虞他
勤民家法貽祈歲理則那
追惟當日心此際應如何

曉起

閒雲數片當晨散
落葉一庭比昨添
涉獵詩書覽秋景
山莊隨意足清恬

山莊駐蹕勝日開筵
恰迴秋獮之鑿兼

值年豐之慶雖順時而行
樂憶去歲而難忘詩以述志
爰賦五言

十日駐山莊
三秋逢有年
行圍既訓士
懷遠已巡邊
此焉乃少憩
繩

武增惕乾况復近菊節
正可列饒筵稱觴獻
慈壽嘉會集羣賢
念茲亮工侶胥任籌治權
勞逸共心膂憂樂思後先
去歲事滋紛迴首
豈忘旃際和斯惟幸持盈當益虔

曉起

庭樹烏聲出曙窠披衣試問夜如何挈壺已
報晨星少擁帚誰嫌落葉多遶戶山嵐輕送
冷入窓池影漸增波報章未至心餘暇拈得
清詩一晌哦

敬題松鶴齋

昔我

皇祖於山莊中奉

寧壽宮處名之曰松鶴清越我

聖母為是

先徽所憩息避弗敢御且以離予所居較遠
也則於寢殿之東葺室一區以為偶臨

山莊

聖慈燕居之所顏之曰松鶴齋猶

皇祖志也

鶴羽千年白松姿不老青惟茲真上瑞堪以
祝

慈寧嘹亮聲聞野龍蔥色滿庭作朋瑤島上
王母駕為停

重陽日侍

皇太后登高攬勝之作

遙峯近嶺罨烟光高處瓊樓了不涼為要重
陽酬令節暫教十日駐山莊綵絲結佩仙萸
紫

玉座稱觴壽菊黃稍異宮中行樂處稔秋俯
眺遍倉箱

迴鑿至喀喇河屯作

深秋迴蹕駐灤河山館紛紛落葉多兩月風

光異爾許一番徃返覺無何蒼峰嶸嶸精神
健丹地蝓蛸景色和納稼築場完次第相去聲
春還聽野人歌

入古北口

人工真可奪天工界限風光迥不同今日入
關逢綠柳前朝背樹憶丹楓黍稌是處欣都
稔睥睨當年勢尚雄地脉千秋自無恙陡懷
壯士對西風

村行二首

御製詩二集 卷十二
關內深秋暖不寒行來曠甸騁懷寬凍雲衰
草迴頭別比櫛崇墉取足看恰喜詩情搜野
落又教山色指田盤重陽雖過風光好笑把
黃花興未闌

豐歲無饑且免寒男衣蔽肘婦裙寬年來祈
望差堪慰靜處思量豈易看駝向坦途纔免
圖馬尋濶棧不重盤行宮取近常休息暇便
耽書忘夕闌

秋麥

漸南地向暖例可播秋麥秋猶啟駕時多稼
猶未獲叶迴鑿踰兩月早見倉箱積良農豈
後時勤作如乘隙今朝歷薊野亞隴有新碧
蓬蔥生意佳肥壤含膏液覩茲稍自慰紓懷
未敢遽叶覩土幸沃潤更藉足三白祈歲循
始終勤民無間隔

--	--	--	--	--	--	--	--

